

六典通考

六集通考

六典通考卷二十四

湖西閻鎮珩輯

爵命考

車旗之等

簿仗旌節

傘蓋鞍轡

小宗伯辨車旗宮室之禁

家宗人掌宮室車旗之禁令

掌亦

正也

巾車服車五采孤乘夏篆卿乘夏縵大夫乘墨車士乘

棧車庶人乘役車

服車服事者之車夏赤也或曰篆讀爲圭

畫無珠爾墨車不畫也棧車不革輓而漆之役車方箱可載任器以共役

凡良車散車不在等者

其用無常

給游燕及恩惠之賜不在等者謂若今輜車後戶之屬作之有功有沽

陳祥道曰篆

者雕篆之文夏篆者篆其車而五采畫之也夏縵五采畫之

而不篆墨車墨漆之而不畫棧車素之而不漆考工記曰飾

車欲侈棧車欲弇尊者侈而伸卑者弇而屈故也春秋傳曰

山崩川竭君降服乘縵則縵車無文非夏縵也吳起曰縵詩輪籠轂

曰有棧之車行彼周道則士車非役車也鄭氏釋詩以棧車

為役車釋周禮以棧車飾以漆役車載任器又以篆為畫以

畫為畫轂其說誤也役車牛車棧亦作輶齊逢丑父寢於輶

中是也 大行人上公樊纓九就貳車九乘侯伯樊纓七就

貳車七乘子男樊纓五就貳車五乘繁纓馬飾也以鬬飾之每一處五采備為一就

就成也貳副也少儀貳車者諸侯七乘上大夫五乘下大夫三乘

此蓋殷制也周禮貳車公九乘侯伯七乘子男五乘卿大夫各如其命之數郊特牲乘大路諸

侯之潛禮也大路殷天子禮也玉藻君羔辟虎犢皆如直道而行

之直直謂緣也大夫齊車鹿辟豹犢朝車士齊車鹿辟豹犢

此君齊車之飾

臣之朝車與
齊車同飾

禮書韓弈詩曰鄴輶淺幟

淺虎皮淺毛也幟覆式也

少儀曰御負良綏

中之面拖諸帟曲禮曰大夫士去國素箴周禮巾車王之
喪車五乘木車犬禋疏飾素車犬禋素飾藻車鹿淺禋革
飾駢車然禋髮飾漆車豸禋雀飾旣夕禮主人乘惡車白
狗帟荀卿曰絲末彌龍所以養威也春秋傳曰齊侯魯侯
會於野井以帟爲席許慎曰帟髮巾也王之五帟皆有飾
則諸侯之虎犢大夫士之豹犢蓋其飾也帟若席然施諸
軾上其用有辨虎以其威猛而有義羔以其不黨跪乳而
有禮鹿以其善接其類而有仁豹之於虎爲威小矣齊於
朝爲禮異矣故諸侯勤王虎淺帟齊則羔帟虎飾而已士

之齊車鹿辟豹飾則朝車之辟與飾不以鹿豹而大夫齊車朝車皆鹿辟豹飾者屈於君故也

司常掌九旗之物名各有屬以待國事諸侯建旗孤卿建旂

大夫士建物師都建旗州里建旗縣鄙建旐仲冬教大閱司馬主其禮自王

以下治民者旗畫成物之象王畫日月象天明也諸侯畫交龍一象其升朝一象其下復也孤卿不畫言奉王之政教而已大夫士雜帛言以先王正道佐職也師都六鄉六遂大夫也謂之師都民所聚也畫熊虎者鄉遂出軍賦象其守猛莫敢犯也州里縣鄙鄉遂之官互約言之大行人上公建

常九旂侯伯建常七旂子男建常五旂常旌旗也旂其屬慘垂者也

禮書先儒以爲王之大常曳地諸侯之旂齊軫卿大夫齊

較士齊肩觀大常之旒使人維之則曳地可知矣侯伯建

常七旂子男五旂而均於齊軫以其皆君故也春秋之時

楚令尹爲王旌以田芋尹無字斷之齊樂高伐虎門公使

王黑以靈姑鉅率告請斷尺而用之以其不可與君同制

則諸侯齊軫可知矣家語曰鈴旗續紛下蟠於地後漢志龍旗九旂以齊軫熊旗五仞以齊肩

龜地四仞以齊首大司馬軍吏載旗考工記熊旗六旂以象伐屬伐

白虎宿與參連體而六星故六旂熊虎之旗蓋皆六旂先儒以爲遂大夫

四命四旂鄉大夫六命六旂不可考也其杠之長短則有

差鄭氏曰山虞之旗其仞數則短是也秦四時各有旂月令

春青旂夏赤旂中央黃旂秋白旂冬黑旂鄭有螭弧晉有蠶旗吳王建肥胡田

蚡曲旂後漢雲罕皆一時觀美而已豈古制哉臚物之旂

經無其說周禮典命車旗各祗其命數臚物之旂亦稱是

與旂旗旗旐之旂有常數者異也先儒以爲臚物旂如燕

尾此不可考聘禮卿載殯禮也既夕士載殯攝也朝則建大赤燕出入則載旛田則建大麾鄙則載旌旛旌旗皆注旛而旛與羽又注於旗

分魯公以大路大旂此大路金路賜同姓諸侯車也分康叔以大路少帛結

校旛旌少帛經帛也結校大赤取染革名也魯君孟春乘大路載弧韞旂十

有二旒日月之章祀帝於郊配以后稷天子之禮也大路殷之祭天

車也弧旌旗所以張幅也其衣曰韞天子旌旗畫日月鄭公孫蠆卒范宣子言於晉

侯以其善於伐秦也晉侯請於王王追賜之大路使以行禮

也大路天子所賜車之總名以行葬禮穆叔如周聘王嘉其有禮也賜之大

路昭公四年叔孫卒杜洩將以路葬且盡卿禮路王所賜叔孫車南

遺謂季孫曰叔孫未乘路葬焉用之且冢卿無路介卿以葬

不亦左乎

家卿謂季孫

曰然使杜洩舍路不可曰夫子受命

於朝而聘於王

夫子謂叔孫

王思舊勳而賜之路復命而致之君

君不敢逆王命而復賜之使三官書之吾子爲司徒實書名

夫子爲司馬與工正書服孟孫爲司空以書勳今死而弗以

是棄君命也書在公府而弗以是廢三官也若命服生弗敢

服死又不以將焉用之乃使以葬

公會晉師於上鄆賜三

帥先路三命之服

三帥郤克士燮欒書已嘗受王先路之賜今改而易新並此車所建所服之物司

馬司空輿帥侯正亞旅皆受一命之服

晉司馬司空皆大夫與帥主兵車侯正主

斥侯亞旅亦大夫也皆魯侯賜

絳之富商韋藩木楫以過於朝唯其功庸

少也

韋藩韋蔽前後木楫木櫓也

齊景公田招虞人以旌不至將殺之

志士不忘在溝壑勇士不忘喪其元孔子奚取焉取非其招

不往也萬章曰敢問招虞人何以曰以皮冠庶人以旃士以

旂大夫以旌

皮冠田獵之冠也事見春秋傳通帛曰旃交龍爲旃析羽而注於旗千之首曰旌

禮書虞人掌田獵故招以皮冠大夫從游燕故招以旌士

君所禮故招以旂庶人孤卿所治故招以旃春秋時齊侯

田於沛招虞人以弓不進辭曰昔我先君之田也旃以招

大夫弓以招士皮冠以招虞人其言與孟子不同王制曰

上大夫卿則孤卿上大夫也弓聘士之物詩曰翹翹車乘

招我以弓則招大夫以旃士以弓以其所當用者招之非

先王之禮然也

楚子之爲令尹也爲王旌以田

王旌旃至於軫

芋尹無宇斷之曰一

國兩君其誰堪之

范宣子假羽毛於齊而弗歸齊人始貳

析羽爲旌王者游車之所
建齊私有之因謂之羽毛

召陵之會晉人假羽旄於鄭鄭

人與之明日或旆以會

繼旆曰旆令賤人施其
旆執以從會示卑鄭

晉於是乎失

諸侯

漢初將相或乘牛車景帝中六年詔令長吏二千石車朱兩
轡千石至六百石朱左轡六百石以上施車轡得銅五末輓
有吉陽笛中二千石以上右騂三百石以上上阜布蓋千石以
上阜繒覆蓋二百石以下白布蓋皆有四維杠衣賈人不得
乘馬車除吏赤畫杠其餘皆青云武帝天漢四年令諸侯王
大國朱輪特虎居前左兕右麋小國特熊居前麋皆居左右
大使車立乘駕四赤帷裳持節者重導從賊曹車斧車功曹
車皆兩大車璫弩十二人辟車四人從車四乘小使車不立

乘有駢赤屏泥油重絳帷導小使車蘭輿赤轂白蓋赤帷此
追捕考按有所勅取者所乘諸使車皆朱班輪四幅赤衡軛
公卿二千石郊廟明堂祀陵法出皆大車立乘爲駟他出安
車公卿以下至縣三百石五吏賊曹督賊功曹皆帶劍三車
導從縣令以上加導斧車牛車武帝推恩之末諸侯有寡弱
者乘牛車其後牛車稍通貴者所乘程氏演繁露曰自吳楚
誅後諸侯惟食租衣稅
故貧者或乘牛車緣無資可具非有禁約也韋玄成以列侯
侍祠天雨淖不駕駟馬車而騎至廟下有司劾奏削爵東晉
惟許乘車騎者御史彈之其駕車改用牛王導駕短轅轎車
王濟之八百駁駁赤牛也色駁而行速日可八百里石崇之
牛疾奔人不能追所以寶之南史吳興太守之官皆殺輒下
牛以祭項羽案上古駕車皆駕牛無用馬者易曰服牛乘馬
諸侯以下建龍旃九旒七仞以象大火鳥旃七旒五仞以象
鶉火熊旗六旒五仞以象參伐龜蛇旐四旒四仞以象營室

孤旌枉矢以象弧

後漢制公列侯安車朱班輪倚鹿較伏熊軾卓繒蓋黑轡右
駢中二千石二千石皆早蓋朱兩轡其千石六百石朱左轡
轡長六尺下屈廣八寸上業廣尺二寸九丈十二仞後謙一

寸若月初生示不能自滿也

郭賀傳舊典傳車驂駕乘赤帷裳唯賀爲冀州勅去轡帷孔恂

新淦人州別駕從事車前舊有屏星如刺史車曲翳儀式時
刺史行部發去日晏刺史怒欲去別駕車屏星恂議曰明使
君傳車自發晚而欲徹去屏星毀國舊儀此不可行公卿以
卽投傳去於是遂不去屏星說文曰車當謂之屏星

下至縣三百石長置門下五吏賊曹督盜賊功曹皆帶劔三
車從導主記兩車爲從縣令以上加導斧車公乘安車則前
後并馬立乘長安雒陽令及王國都縣加前後兵車亭長設
右駢駕兩璫弩車前伍伯公八人中二千石二千石六百石

皆四人自四百石以下至二百石皆二人公以下至二千石
騎吏四人千石以下至三百石縣二人皆帶劔持棨戟爲前
列建弓韉九韉諸侯王法駕官屬傅相以下皆備鹵簿似京
都官騎張弓帶韉遮迺出入稱課促列侯家丞庶子導從若
會耕祠主縣假給辟車鮮明卒備其威儀導從事畢皆罷所
假漢駟馬車止用四馬而鄭玄注詩曰周禮州長建旗漢太
假守比州長法御五馬周之州統於縣比漢太守品秩不侔
不足爲據然太守用諸車之文諸侯王倚虎伏鹿櫨文畫輶
五馬後漢已然矣

幡吉陽箛朱班輪鹿文飛軫旂旗九旂降龍公列侯倚鹿伏
熊黑幡朱班輪鹿文飛軫九旂降龍卿朱兩輪五旂降龍二
千石以下各從科品諸幡車以上輓皆有吉陽箛諸馬之文
王公列侯鏤錫叉髦朱鑣朱鹿朱文絳扇汗青翅燕尾卿以

下有駢者緹扇汗青翅尾當盧又髦上下皆通中二千石以上及使者有駢駕云

魏因漢制文帝問東平王有輅爲是特賜乎鄭稱對曰天子五輅金輅以封同姓諸侯得與天子同乘金輅非特賜

晉制雲母車以雲母飾犢車以賜王公阜輪車駕牛形如犢車阜漆較轂上加青油幢朱絲繩絡諸王三公有勳德者特加之位至公或四望三望夾望車油幢車駕牛如犢車阜輪但不漆轂王公大臣有勳德特給之通幟車駕牛如犢車但舉其幟通覆車上諸王三公並乘之武帝詔給魏舒陽燧四望小車三望如四望油幢給車如三望而減王公加禮者乘次三望平乘車

竹簾子壁措軸爲輪

通幟

其後形龍牽金塗支子花細轆頭後稍杏伏神承塗庶人

然三公諸王所乘自四望至平乘皆銅校飾諸公給朝車駕駟安車黑耳駕三自祭酒掾下及令史皆皂鈴特進以下諸將軍非持節都督者給安車黑耳駕二三公九卿二千石皆大車立乘駕四致仕告老賜安車駕四郡縣公侯安車駕二右駢皆朱班輪倚鹿較伏熊軾皐繒旗旂公八侯七卿五皆畫降龍中二千石二千石皆皐蓋朱兩轡銅五末駕二千石六百石朱左轡王公之元子攝命理國者安車駕三旗七旂侯元子五旂大使車立乘駕四赤帷裳騶騎導從公卿二千石郊廟上陵從駕所乘小使車不立乘駕四蘭輿皆朱轂赤展白蓋赤帷裳追捕勅取者所乘凡諸使車皆朱班輪赤衛輓追鋒車去小蓋加通幔如輅車駕二以迅速爲名戎陣間

爲傳乘輅車古將軍所乘傳也

漢輜輶貴而賤輅車魏晉輅車而賤輜輶三品將軍

上尙書令輅車黑耳有後戶僕射但有後戶無耳並阜輪

宋因晉有追鋒車雲母車四望車公及列侯所乘安車依漢舊制駕二馬旂旗旂王公八侯七卿五皆降龍公卿中二千石郊陵法出皆大車立乘駕四他出去位致仕皆安車四馬中二千石皆阜蓋朱幡銅五末駕二右駢王公世子侯世子並同晉制

齊制黃屋車建碧旗九旂

九旂鸞輅也以黃絡爲裏金塗較具絳絲

九命上公所

乘青蓋安車朱幡班輪駕一左右駢通幟車爲副諸王禮行

所乘阜蓋安車朱幡漆班輪駕一通幟牛車爲副三公禮行

所乘安車黑耳阜蓋爲車朱幡駕一牛車爲副國公列侯禮